



ЎЗБЕКИСТОНДА НАТИЖАГА ЙЎНАЛТИРИЛГАН БЮДЖЕТЛАШТИРИШНИ ЖОРИЙ ЭТИШ ИСТИҚБОЛЛАРИ

Марданов Панжи Уразович

Мамлакатимизда натижага йўналтирилган бюджетлаштиришни йўлга қўйишга бўлган уринишлар узоқ йиллардан бери давом этмоқда. Жумладан, натижага йўналтирилганлик масаласи дастлаб ҳуқуқий норма сифатида 2013 йилда қабул қилинган Бюджет кодексига бюджет тизими принциплари таркибида келтирилган.

Ушбу кодекснинг 14-моддасида бюджет тизими бюджетлари маблағларидан фойдаланишнинг натижадорлиги принципи-бюджет жараёни иштирокчилари бюджет тизими бюджетларини тузиш ва ижро этишда ўзларига берилган ваколатлар доирасида бюджет тизими бюджетларининг белгиланган ҳажмдаги маблағларидан фойдаланган ҳолда натижага эришиш заруриятдан келиб чиқиши белгиланган.

Мазкур кўрсаткич ижрочи органнинг бюджет лойиҳасидаги ҳизматлар кўрсатишнинг самарадорлиги тўғрисида маълумотларни, шунингдек йил охиридаги ҳисоботларда унинг мавжудлигини ва ҳужжатлаштирилишини кўриб чиқади. Унинг доирасида самарадорликни текшириш бўйича аудитлар ёки баҳолашлар ўтказилган ёки ўтказилмаганлиги аниқланади. Шунингдек, у хизмат кўрсатувчи бирлик томонидан олинган ресурслар бўйича маълумотлар тўпланиши ва рўйхатдан ўтказилиши даражасини баҳолайди.

Бундан ташқари, баҳолаш дастури услубиётига кўра бу кўрсаткич давлат хизматларини етказишдаги самарадорлик бўйича маълумотларнинг мавжудлигига, қамров кўламига ва ўз вақтидалигига, шунингдек бундай маълумотлар мазкур хизматларнинг натижавийлигини ва амалий самарадорлиги оширишга қандай даражада ёрдам беришига эътиборни қаратади.

Услубиётга кўра давлат хизматларини етказиб беришда амалий самарадорликка эришиш давлат молиясини бошқариш тизимининг асосий мақсадидир. Бюджет ҳужжатларига самарадорлик тўғрисидаги маълумотларни киритиш халқаро даражада илғор амалиёт ҳисобланади. Унинг ёрдамида ҳукумат дастурлари ва хизматларининг режалаштирилган ҳамда эришилган самаралари ва натижалари бўйича ижро органининг ҳисобдорлиги кучайтирилади.

Шу тариқа ушбу баҳолаш натижаларидан ҳам кўришимиз мумкинки мамлакатимизда бюджет харажатларининг самарадорлик кўрсаткичлари мавжуд эмаслиги яъни натижага йўналтирилмаганлиги катта камчилик сифатида халқаро даражада эътироф этилган.



Шунингдек, ушбу қарор билан 2021 йилдан бошлаб барча вазирлик ва идораларнинг бюджетлари харажатларининг самарадорлик индикаторларини белгилаган ҳолда мақсадли режалаштириш тизимига ўтказиш ва мазкур тизимни 2022 йил бюджетини шакллантиришда татбиқ этиш ҳам белгиланган.

Шу билан бирга, ушбу тизимни йўлга қўйишни узвийлигини таъминлаш мақсадида Ўзбекистон Республикаси Вазирлар Маҳкамасининг 2020 йил

24 августдаги 506-сон қарори билан тасдиқланган 2020 — 2024 йилларда давлат молиясини бошқариш тизимини такомиллаштириш стратегиясида ҳам йиллик бюджетни шакллантиришнинг янги “натижага йўналтирилган бюджет” тизимини жорий этиш белгиланди. Бу қарор талабларига кўра асосий эътибор бюджет маблағларидан фойдаланиш самарадорлигини оширишга қаратилади. Шундан келиб чиққан ҳолда, ажратилган бюджет маблағларидан фойдаланишнинг самарадорлиги ва натижадорлигини баҳолаш кўрсаткичларини кенгайтириш бўйича тегишли чоралар кўрилиши зарур.

Шунингдек, мазкур стратегияга кўра натижага йўналтирилган бюджет тизимини жорий қилиш орқали ижтимоий-иқтисодий ривожланишнинг устувор йўналишларига мос равишда бюджет маблағларини тақсимлаш самарадорлиги оширилиши, солиқ-бюджет сиёсатининг мақсадларига эришишнинг самарадорлиги ва натижадорлигини баҳолашнинг сон ва сифат кўрсаткичлари жорий этилиши мақсад қилинган.

Фойдаланилган адабиётлар рўйхати:

1. Брингхам Э.Ф., Эҳрхардт М.С. Финансиал менежмент теорияси анд практикаси. Тҳомсон Соутҳ-Вестерн, 2008. 1107 п.
2. Хиллиер Д., Гринблатт М., Титман Ш. Финансиал Маркетинг анд Корпоратив Стратегия. Лондон: McGraw-Hill Хигхер Эдукашн, 2012. 877 п.
3. Корсо Э. Индустриал гурўтҳ анализ анд ҚРВ: А методологикал ноте. 2011. Электрон манба: [хттп://ситересоурсес.ворлдбанк.орг](http://ситересоурсес.ворлдбанк.орг)
4. Ландесманн, Мичаел Алрой (2000): Структурал Чанге ин тхе Транзитивн Экономикс, 1989 то 1999. Тхе Виенна Институте фор Интернационал Экономикс Студиес.
5. Модиглиани Ф., Миллер М. Тхе Сост оф Сапитал, Корпоратив Финансе, анд тхе Теория оф Инвестмент // Америсан Экономикс Ревиев, в. 48. (1958).
6. Модиглиани Ф., Миллер М. (1963) “Корпоратив Инсоме Тахес анд тхе Сост оф Сапитал: А Коррестивн” Америсан Экономикс Ревиев, Вол. 53, Но. 3, пп. 147 – 175.
7. Петер Брусов, Татяна Филатова, Натали Орехова, Настия Брусова. Вебсайд авараге сост оф сапитал ин тхе теория оф Модиглиани-Миллер, модифицирн фор а фините лифетиве компанй // Аплиед Финансиал Экономикс, в. 21, № 4.